

Bosna i Hercegovina
Federacija Bosne i Hercegovina
Tuzlanski kanton
OPĆINA KLADANJ
OPĆINSKI NAČELNIK
Broj:02-14-3200/09
Kladanj:07.10.2009. godinu

Na osnovu člana 10. Odluke o utvrđivanju načina, uslova i kriterija stipendiranja učenika i studenata ("Službeni glasnik Općine Kladanj", broj:1/08, 4/08 i 4/09) **Općinski načelnik Općine Kladanj**, raspisuje

KONKURS

za dodjelu stipendija redovnim učenicima i studentima za školsku 2008/2009

I

Raspisuje se Konkurs za dodjelu stipendija redovnim učenicima i studentima za školsku 2008/2009 godinu i to kako slijedi :

- 2 učenika generacije osnovnih škola sa područja općine Kladanj i 24 učenika osnovnih škola sa posebnim diplomama,
- 1 učenik generacije srednje škole i 1 učenik srednje škole sa posebnim diplomama,
- 12 učenika iz reda srednjoškolaca,
- 4 izuzetno nadarena studenta i 31 studenta i to za :

I godinu 5 stipendija
II godinu 6 stipendija
III godinu 8 stipendija
IV godinu 8 stipendija
V godinu 2 stipendije
VI godinu 2 stipendije

II

Pravo na učestvovanje na Konkursu imaju učenici i studenti na osnovu Prijave na konkurs uz koju su priloženi originalni dokumenti, ovjerene kopije i ovjerene izjave učenika odnosno roditelja ili staratelja i studenata.

III

Opšti uslovi za dodjelu stipendija učenicima i studentima su :

- da je državljanin BiH
- da ima prebivalište na području Općine,
- da ima status redovnog učenika JU MSS "Musa Ćazim Ćatić" Kladanj, izuzev škola koje nisu zastupljene u navedenoj ustanovi i
- da ima status studenata koji prvi put upisuje školsku godinu.

IV

Stipendije se ne dodjeljuju kandidatima:

- Koji se već stipendiraju iz drugih izvora ,
- Kandidatima koji ponavljaju tekuću školsku godinu
- Dva ili više kandidata iz iste porodice .

V

Kriteriji za dodjelu stipendija su :

- učenik generacije ,
- učenik sa posebnom diplomom,
- socijalno-ekonomska situacija,
- izuzetno nadareni student.

VI

Zainteresovani kandidati trebaju priložiti sljedeću dokumentaciju:

- zahtjev – prijavu za odobravanje stipendije (zahtjev – prijava –Centar za pružanje usluga građanima Općina Kladanj),
- ovjerenu kopiju potvrde o prebivalištu (potvrda –CIPS,-ovjere vrši Centar za pružanje usluga građanima Općine Kladanj),
- ovjerenu izjavu pod materijalnom i krivičnom odgovornošću da ne prima stipendije iz drugih izvora (ovjere vrši Centar za pružanje usluga građanima Općine Kladanj),
- potvrdu – uvjerenje o redovnom studiju (izdaje škola i studentska služba),
- ovjerenu kopiju svjedodžbe iz prethodne školske godine (prilažu učenici srednjih škola),
- ovjerenu kopiju svjedodžbi od I-IV razreda srednje škole (prilažu studenti prve godine studija),
- potvrdu – uvjerenje sa ocjenama o položenim ispitima i izvedenom prosječnom ocjenom (prilažu studenti druge i ostalih godina),
- ovjerena izjava o zajedničkom domaćinstvu (može dobiti punoljetni član domaćinstva u Centru za pružanje usluga građanima Općine Kladanj),
- potvrda – uvjerenje o primanjima – prihodima članova domaćinstva u zadnja tri mjeseca ili druga adekvatna potvrda o imovnom stanju (izdaje poslodavac ili drugi organ koji vodi evidenciju o primanjima),
- potvrda o radnom statusu članova domaćinstva (izdaje Zavod za zapošljavanje, a ako se ne vodi na evidenciji prilaže ovjerenu izjavu - šalter Centra za pružanje usluga građanima Općine Kladanj),
- potvrda o školovanju članova domaćinstva (ukoliko su članovi domaćinstva učenici ili studenti),
- rodni list za članove domaćinstva mlađe od 6 godina,
- uvjerenje o pripadnosti Oružanim snagama BiH (izdaje Odjel nadležnog ministarstva),
- izvod iz matične knjige umrlih (orginal ili ovjerenu kopiju prilažu učenici i studenti bez jednog ili oba roditelja),
- dokaz o postignutim posebnim priznanjima.

VII

Stipendije učenicima generacije i stipendije učenicima sa posebnim diplomama osnovnih škola, učeniku generacije srednje škole iz MSS "Musa Ćazim Ćatić" i učeniku sa posebnom diplomom srednje škole sa područja Općine Kladanj dodjelit će se na osnovu zahtjeva-prijave za odobravanje stipendije, diplome, odnosno uvjerenja da je učenik generacije odnosno učenik sa posebnom diplomom i potvrde o prebivalištu.

VIII

Izuzetno nadareni studenti su studenti koji imaju najmanje prosječnu ocjenu 9,00 za prethodnu godinu studija, i dodjelit će im se stipendija na osnovu zahtjeva za odobravanje stipendije, potvrde o prebivalištu, potvrde o redovnom studiju i prosjeka ocjena.

IX

*Prijave na konkurs sa potrebnom dokumentacijom dostavljaju se na adresu : Općina Kladanj ul. Kladanjskih brigade br.1., **Općinski načelnik–Komisija za dodjelu stipendija**". Rok za prijavu je 15 dana od dana objavljivanja u dnevnim novinama .*

Nepotpune i neblagovremene prijave neće se uzimati u razmatranje.

Općinski načelnik
Fuad Imamović, dipl.ing.